



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 03-34-2-303/20

Datum: 11.02.2020.

Na osnovu člana 2. Odluke o finansijskoj podršci u školovanju redovnih studenata dodiplomskog studija (prvog ciklusa) u akademskoj 2019/20. godini i tačke V Kriterija za dodjelu finansijske podrške u školovanju redovnim studentima viših i visokoškolskih ustanova, Općinski načelnik **r a s p i s u j e**

K O N K U R S
za dodjelu finansijske podrške redovnim studentima dodiplomskog studija
(prvog ciklusa) u akademskoj 2019/20. godini

Općina Tešanj raspisuje konkurs za dodjelu finansijske podrške školovanju redovnim studentima dodiplomskog studija (prvog ciklusa) u akademskoj 2019/20. godini, sa područja općine Tešanj, koji studiraju na višoj ili visokoškolskoj ustanovi u BiH, pod uvjetom:

- da ne ponavlja godinu studija na istom ili drugom fakultetu,
- da ne prima kredit ili stipendiju od drugog kreditora, odnosno stipenditora, niti jednokratnu finansijsku podršku u tekućoj akademskoj godini,
- da nije u radnom odnosu
- da nije stariji od 25 godina života (za studente na trogodišnjem ili četverogodišnjem studiju)
- da nije stariji od 27 godina života (za studente na jedinstvenom studiju koji traje 5 ili 6 godina)
- da nema status apsoluta,
- da živi na području općine Tešanj zajedno sa roditeljima (ukoliko su živi)

Pravo na prijavu imaju svi studenti čija ukupna primanja svih punoljetnih članova domaćinstava po članu ne prelaze **350,00 KM**.

Studenti iz kategorije PPBiŠ, studenti čiji su roditelji nosioci najvišeg ratnog priznanja (čl. 2. stav 1. tačka 1. Zakona o posebnim pravima dobitnika ratnih priznanja i odlikovanja i članova njihovih porodica "Sl.novine FBiH", broj: 70/05 i 70/06), studenti iz porodice RVI sa stepenom invalidnosti sa i preko 50%, studenti sa prosjekom ocjena 9 i više i učenici generacije iz srednje škole, finansijsku podršku školovanju dobivaju automatski bez bodovanja i bez obzira na profil zanimanja

Lista prioriteta ostalih učesnika konkursa bit će sačinjena po osnovu ostvarenog broja bodova u skladu sa Kriterijima za dodjelu finansijske podrške školovanju studentima viših i visokoškolskih ustanova za akademsku 2019/20. godinu, a prema slijedećim kategorijama:

1. Ostvareni uspjeh;
2. Godina studija;
3. Socijalno-ekonomska situacija;

4. Dva ili više studenata iz jedne porodice;
5. Studenti sa invaliditetom;
6. Postignuti rezultati na takmičenjima i posebna priznanja;
7. Bodovi za deficitarna zanimanja (**građevinu, arhitekturu, geodeziju, elektrotehniku, mašinstvo i medicinu**);
8. Društveni angažman i volonterski rad.

O odobrenoj finansijskoj podršci zaključuje se ugovor, kojim se pobliže uređuju prava i obaveze ugovornih strana.

Visina rate iznosi 100 KM (stotinu konvertibilnih maraka) po jednom studentu, a isplaćivat će se mjesečno. Visina rate za deficitarna zanimanja tj. kod studenata prvog ciklusa koji studiraju građevinu, arhitekturu, geodeziju, elektrotehniku, mašinstvo i medicinu će iznositi 130 KM (stotinu trideset konvertibilnih maraka). Ukupan iznos i broj mjesečnih rata finansijske podrške Općine Tešanj, zavisit će od ostvarenja prava studenata na stipendije Ministarstva obrazovanja ZDK i raspoloživih sredstava u Budžetu općine Tešanj predviđenih za ove namjene.

Zainteresovani kandidati trebaju priložiti slijedeću dokumentaciju:

1. Zahtjev - prijava na konkurs za dodjelu stipendije,
2. Uvjerenje o državljanstvu (**ne starije od 6 mjeseci**),
3. Rodni list (ovjereni kopija),
4. Prijava prebivališta - CIPS (**ne starija od 6 mjeseci**),
5. Ovjereni Izjava kandidata (da ne prima stipendiju po bilo kom drugom osnovu, da nije u radnom odnosu i o pristanku korištenja dostavljenog broja bankovnog računa u svrhu konkursa),
6. Potvrda- uvjerenje o redovnom studiju, kojim se dokazuje da je student **prvi put upisan** u godinu studija **sa naznakom ciklusa i semestra**,
7. Ovjereni kopiju svjedodžbi I-IV razreda srednje škole (za studente prve godine),
8. Diploma ili potvrda učenika generacije (za studente prve godine koji su proglašeni učenikom generacije),
9. Potvrda - uvjerenje sa ocjenama o položenim ispitima u **predhodnim godinama** studija i izvedenom prosječnom ocjenom
10. Izjava o zajedničkom domaćinstvu - kućna lista (u Općini),
11. Potvrda - uvjerenje o primanjima-prihodima svih punoljetnih članova domaćinstva ili druga adekvatna potvrda o imovnom stanju (**sva primanja uključujući radni odnos, porodičnu penziju iza umrlih roditelja, vanredna primanja za članstva u upravnim i nadzornim odborima, parlamentu, skupštini i vijeću**), a pogledati tačku 3. Kriterija koja se odnosi na vlasnike i direktore preduzeća, vlasnike samostalnih radnji i osobe u postupku penzionisanja,
12. Potvrda o radnom statusu za nezaposlene ako se nalazi na evidenciji Zavoda za zapošljavanje ili kopija zdravstvene legitimacije,
13. Potvrda o stepenu invalidnosti roditelja, potvrdu o statusu člana PPBiŠ, dokaz da je roditelj nosilac najvišeg ratnog priznanja (za studente nevedenih kategorija).
14. Dokaz o alimentaciji ili ovjereni izjava da ne prima alimentaciju (za studente razvedenih roditelja).
15. Dokaz o studiranju dva ili više studenata iz jedne porodice (ako su oba studenta prijavljena na konkurs)
16. Uvjerenje o invalidnosti za studenta (ako je iz navedene kategorije)
17. Dokazi o postignutim posebnim priznanjima
18. Uvjerenje o društvenom angažmanu ili volonterskom radu.
19. **INSTRUKCIJA ZA PLAĆANJE IZ BANKE U KOJOJ JE OTVOREN RAČUN**

Nepotpuna dokumentacija neće se uzimati u razmatranje.

Prijave studenata čiji roditelji žive na području druge općine neće biti razmatrane.

Dokazi o statusu, radnom ili bilo kom drugom, moraju biti prevedeni na bosanski jezik, u protivnom prijave studenata neće biti razmatrane.

U svim slučajevima u kojima se dokaže netačno i lažno iskazivanje činjenica i stanja, općina Tešanj će za pokušaj prevare uskratiti pravo učešća u konkursima za dodjelu finansijske podrške od općine Tešanj u naredne dvije godine.

Konkurs ostaje otvoren od 11.02. do 26.02. 2020. godine i 26.02.2020. godine je posljednji dan prijema zahtjeva

Prijave na Konkurs sa potrebnom dokumentacijom mogu se predati lično u Šalter sali ili poslati poštom na adresu Služba za društvene djelatnosti i investicije Općine Tešanj, sa naznakom («KOMISIJI ZA DODJELU FINANSIJSKE PODRŠKE»).

Rezultati konkursa, odnosno rang lista odobrene finansijske podrške u školovanju bit će istaknuta na oglasnoj ploči Općine Tešanj i web stanici Općine, nakon okončane procedure.

Sve informacije u vezi dodjele finansijske podrške mogu se pročitati na oglasnoj ploči Općine Tešanj, web stranici Općine www.opcina-tesanj.ba, ili dobiti usmeno na Info pultu (Šalter sala), kao i na broj telefona 032/650-022 i 032/650-426.

NAPOMENA: Na osnovu člana 2. Stav 2. Odluke OV-a Tešanj, broj 01-02-1-2106-2/19 od 23.12.2019. godine, Općina Tešanj **neće dodjeljivati finansijsku podršku za studente 1. i 2. godine za zvanja profesor bosanskog jezika, profesor engleskog jezika, profesor razredne nastave, profesor tjelesnog odgoja, inženjer drumskog saobraćaja, kriminalista, diplomirani pravnik i diplomirani ekonomista u akademskoj 2019/2020. godini.**

DOSTAVLJENO:

1. Oglasna ploča,
2. web stranica,
3. Šalter sale Tešanj, Jelah i Tešanjka
4. a/a



OPĆINSKI NAČELNIK

Mr. Sci. Suad Huskić

